



Mdm. Christine conta...

N ann de scola nuef à nce scumencià per i sculeies dla Maison Amani.

La diretëura Mdm. Christine se conta che per cie che reverda l stude vala n general drët bën cun i mutons.

Cun la sanità cèlela ora stleta...

Plu festide ala n cont dla sanità di mëndri: truepes ie suvënz amalei y per truep caji ne ie la strutura nia bona de judé plu de ntant. Na majera assistënza y cura sanitera che funziunëssa fossa na audanza per l daunì. N grum de mutons ie nce melnurì! Ebola manacia ënghe de ruvé adalerch, nsci muessa uni di daduman duc se lavé la mans y museré la fieura dan ruvé ite tla strutura.

La puvertà ie n problem...

Tla families crësc la puvertà for plu y plu, chësc à sambën na fazon negativa sun la situazion y cumpurtamënt soziel di mëndri. Te zità ie la situazion do la rata calma al mumënt. La jënt sta mé mpue cun trica sën te chisc mënsch de preparazion ala veles stateles. N ne sa nia coche la cosses jirà...



Uni di vëniel fat ju ca. 30 litri de **papa de avëina**. I mëndri sustenii dala Maison Amani giapa chësc iló da maië, per trueps l **sëul cëif** te n di. Per fufu y fersëiles ne iel nia for scioldi assé.



Mparé a scrì bel, franzëus y swahili, conc, storia, dessëni, geografia, educazion ala sanità y ambient, religion, cianté y balé, ginastica y sciences. Chëstes ie la **materies** nseniedes.

Passa 200 mutons vën secudii dala Maison Amani - 2018/2019

126 va tla scola dla M.A.

51 va tla scola "Liegmann" (fej pert dla M.A.)

42 sta sën plu dalonc y va nsci te outra scoles



Simon ie iust a Goma

Educazion a n cumpurtamënt y comunicazion zënza violënza

Gran arichimënt giapa iust i mëndri dla Maison Amani y nce l Collège Mwanga tres la presënza de Simon Apelt. Èl sa da rujené franzëus y swahili, nsci tëniel vel' leziuns tl Collège y trüep tēmp iel tla Maison Amani a lauré cun i mëndri. Tlo ti judel a mparé a rujené, a di ora si emozions y debujëns, a se rapurté un cun l'auter zënza adurvan violënza.

Bele dala fin de agost inant iel a Goma y se n jirà inò curt dan la veles ai prims de dezēمبر, ajache l pudëssa diventé mpue periculëus. Do la veles ulëssl inò ji ju, per sté mo plu giut...



Prejentazion

"Hoila, ie son Simon, é 29 ani y son dla Germania. Do l ejam de maduranza y l servisc zivil te na psicatria de mutons y jëuni, é fat n stude sun l ambient y natura, fove per doi ani alalongia autonom tl ciamp dla urganisazion de events y é po' fat la furmazion per "**Heilerziehungspfleger**". Ntan chisc ultim trëi ani é nsci metù a ji ativateies per per-

sones cun n handicap (dla mënt, ana, corp, psica), sibe per l tēmp liede che per fins de furmazion."

Simon ie cresciù su tl Congo

"Avester che canche ove doi ani sons jit a sté y é pona vivù nchin a 6 ani a Goma y Kistombiro (ca. 300 km a nord de Goma), ulovi crì te chësc raion na puscibltà de lauré cun mëndri y jëuni per adurvé y svilupé inant mi cunescënzes pedagogiches

y sozieles."

L prim di che la plata HG fova online, à Simon abinà nosta urganisazion

"Jan a crì online sons ruva pra la plata dla urganisazion umanitera HelpGoma y da iló inant ie nasciuda y se porta inant drët na bona cun-laurazion y amezizia. N chësta ucajian ue rengrazië duc chëi che lëura pea o da si contribut a HelpGoma. Saluc de cuer, Simon"

